

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
GRAD BOSANSKA KRUPA
GRADSKI ORGAN UPRAVE

Broj: 07-11-5-9133/23

Dana: 9.5.2024.godine

Na osnovu člana 64. stav (1) tačka b), člana 68. stav (4) pod j) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22), a na osnovu provedenog konkurentskog zahtjeva za dostavljanje ponuda s namjerom provođenjem e-aukcije - Nabavka i isporuka putničkog motornog vozila kategorija M2 (minibus), u ponovnom postupku postupajući po Rješenju Ureda za razmatranje žalbi broj JN2-03-07-1-787-9/24 od 5.4.2024. godine, a na prijedlog Komisije za provođenje postupka javne nabavke, Gradonačelnik grada Bosanska Krupa, kao rukovodilac organa uprave donosi:

ODLUKU

o izboru najpovoljnijeg ponuđača i odbacivanju ponude ponuđača u ponovnom postupku

1. Prihvata se ponuda ponuđača „**ALI & VIS**“ doo Kreševo u predmetu nabavke roba: Nabavka i isporuka putničkog motornog vozila kategorija M2 (minibus), **sa cijenom u ukupnom iznosu od 33.000,00 KM bez PDV-a odnosno 38.610,00 sa PDV - om .**
2. Izabrani ponuđač se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka c) i d) Zakona o javnim nabavkama.
3. Po konačnosti ove odluke sa izabranim ponuđačem potpisat će se ugovor o nabavci putničkog motornog vozila kategorija M2 (minibus), Grad Bosanska Krupa.
4. **Ponuda ponuđača STEEL doo Zenica se odbacuje kao neprihvatljiva**, jer je ponuđač dostavio dvije ponude što je suprotno odredbi člana 57. stav (3) ZJN-a.

O b r a z l o ž e n j e

Rješenjem Ureda za razmatranje žalbi- Filijala Mostar broj JN2-03-07-1-787-9/24 od 5.4.2024. godine usvojena je žalba ponuđača Goodwill d.o.o. Hadžići izjavljena na Odluku o izboru najpovoljnijeg ponuđača i odbacivanju ponude ponuđača u postupku javne nabavke putničkog motornog vozila kategorija M2 (minibus), broj: 07-11-5-9133/23 od 27.02.2024. godine i poništena je Odluka o izboru najpovoljnijeg ponuđača i odbacivanju ponude ponuđača broj 07-11-5-9133/23 od 27.2.2024. godine, te je predmet vraćen ugovornom organu na ponovni postupak.

U Rješenju Ureda za razmatranje žalbi Filijala Mostar broj JN2-03-07-1-787-9/24 od 5.4.2024. godine, date su upute Ugovornom organu kako postupiti u ponovnom postupku.

U navedenom Rješenju URŽ-a je između ostalog navedeno “S obzirom da je ugovorno tijelo u ponovnom postupku, nakon donošenja Rješenja ovog tijela broj: JN2-03-07-1-59-8/24 od 9.2.2024. godine prilikom donošenja (nove) Odluke o izboru najpovoljnijeg ponuditelja, propustilo provesti ponovnu e-aukciju imajući u vidu da odredbe članka 3. stavak (1) Pravilnika o uvjetima i načinu održavanja e-aukcije (“Sl. glasnik BiH“ broj 66/16), a koji je bio primjenjiv u vrijeme održavanja e-aukcije 25.12.2023. godine), jasno propisuju da prije zakazivanja e-aukcije ugovorno tijelo u sustav e-nabavke unosi samo prihvatljive ponude ovo tijelo navod žalitelja usvaja kao utemeljen. Dakle, prilikom izbora najpovoljnijeg ponuditelja u pobijanoj Odluci ugovorno tijelo je koristilo rang listu ponuditelja koji su sudjelovali na e-aukciji održanoj 25.12.2023. godine, a u kojoj je sudjelovao i ponuditelj Steel doo Zenica koji, kako to proizilazi iz navedenog Rješenja ovog tijela, nije ispunjavao uvjete sudjelovanja u istoj. Stoga, imajući u vidu naprijed navedeno ovo tijelo konstatira da je

ugovorno tijelo u predmetnom slučaju donijelo nezakonitu (pobijanu) Odluku o izboru najpovoljnijeg ponuditelja.“

Dakle, što se tiče ponuda ponuđača STEEL doo Zenica Ured za razmatranje žalbi i ranijim Rješenjem broj JN2-03-07-1-59-8/24 od 9.2.2023. godine, a i novim Rješenjem broj JN2-03-07-1-787-9/24 od 5.4.2024. godine ukazuje na nezakonitu odluku ovog ugovornog organa, koji je prema ocjeni Ureda prekršio odredbe člana 57. Stav (3) ZJN-a, koje propisiju da svaki ponuđač može podnijeti samo jednu ponudu u određenom postupku javne nabavke. Ugovorni organ je trebao odbaciti ponude ponude ponuđača STEEL doo Zenica kao neprihvatljive jer su dostavljene suprotno članku 57. stav (3) ZJN-a, koji propisuje da ponuđač može podnijeti samo jednu ponudu. Isto tako novim Rješenjem Ureda za razmatranje žalbi broj JN2-03-07-1-787-9/24 od 5.4.2024. godine, a kojim je Odluka ovog organa broj 07-11-5-9133/23 od 27.2.2024. godine poništena se navodi da je ovo Ugovorno tijelo koristilo rang listu ponuđača koji su učestvovali na e-aukciji održanoj 25.12.2023. godine, a u kojoj je i učestvovao i ponuđač Steel doo Zenica koji nije ispunjavao uvjete učešća na e-aukciji.

U ponovnom postupku Komisija za provođenje postupka javne nabavke se sastala dana 23.4.2024. godine, sa početkom u 11:00 sati, nakon što je Ugovorni organ zaprimio Rješenje ureda za razmatranje žalbi- Filijala Mostar broj: JN2-03-07-1-787-9/24 od 5.4.2024. godine.

Komisija je razmatrala upute date u Rješenju ureda za razmatranje žalbi, kojim je poništena Odluka o izboru najpovoljnijeg ponuditelja i odbacivanju ponude ponuditelja broj: 07-11-5-9133/23 od 27.02.2024.godine, te je predmet vraćen ugovornom organu na ponovni postupak.

Nakon što se upoznala sa svim uputama datim u Rješenju ureda za razmatranje žalbi, te postupajući po datim uputama drugostepenog organa, a u skladu sa članom 57. stav (3) Zakona o javnim nabavkama BiH, Komisija je ponovo predložila Ugovornom organu da se ponude ponuđača STEEL“ d.o.o. Zenica odbace kao neprihvatljive, jer svaki ponuđač može podnijeti samo jednu ponudu, kako je navedeno i u predmetnom Rješenju.

Dalje, prema uputama datim u Rješenju Ureda za razmatranje žalbi broj: **JN2-03-07-1-787-9/24 od 5.4.2024.** godine, Komisija je predložila Ugovornom organu da ponovo zakaže e-aukciju, ali s kvalifikovanim ponuđačima i to, „**GOODWILL“ d.o.o. Hadžići**, „**ALI&VIS“ d.o.o. Kreševo** i „**DRVOREZ“ d.o.o. Hadžići** u skladu sa Pravilnikom o uslovima i načinu korištenja e-aukcije (“Službeni glasnik BiH”broj 80/23).

Ugovorni organ je postupio shodno članu 9. stav (5) Pravilnika o uvjetima i načinu održavanja e-aukcije (Sl. glasnik broj 80/23), poništio i ponovo zakazao aukciju sa ponuđačima koji su dostavili prihvatljive ponude.

Provođenje e-aukcije je zakazano za dan 29.04.2024. godine u 12:00 h i ista je trajala od 12:00 h do 12:10 h. Na osnovu izvještaja o toku i završetku e-aukcije utvrđeno je da je konačna rang lista ponuđača sljedeća:

- 1. Ponuđač „ALI&VIS“ d.o.o. Kreševo**, konačna cijena ponude iznosi **33.000,00 KM bez PDV-a**, pa ukupna cijena ponude iznosi **38.610,00 KM sa PDV-om**, (početna cijena ponude umanjena za 0%);
- 2. Ponuđač „GOODWILL“ d.o.o. Hadžići**, konačna cijena ponude iznosi **33.990,00 KM bez PDV-a**, pa ukupna cijena ponude iznosi **39.768,30 KM sa PDV-om**, (početna cijena ponude umanjena za 0,18%);
- 3. Ponuđač „DRVOREZ“ d.o.o. Hadžići** konačna cijena ponude iznosi **34.000,00 KM bez PDV-a**, pa ukupna cijena ponude iznosi **39.780,00 KM sa PDV-om**, (početna cijena ponude umanjena za 0%);

Shodno navedenom, a kako je kriterij za dodjelu ugovora najniža cijena, Komisija za provođenje postupka javne nabavke je predložila Ugovornom organu da donese Odluku o izboru najpovoljnijeg ponuđača i to prvorangiranog ponuđača „**ALI&VIS“ d.o.o. Kreševo** i zaključi Ugovor s istim.

S obzirom da je kriterij za dodjelu ugovora „najniža cijena tehnički zadovoljavajuće ponude, “ i da je ponuda ponuđača „**ALI&VIS“ d.o.o. Kreševo** prvorangirana nakon okončane aukcije u ponovnom postupku, Ugovorni organ je prihvatio prijedlog Komisije i odlučio kao u dispozitivu odluke.

Također, ovom odlukom tačkom 4. ponuda ponuđača STEEL doo Zenica se ponovo odbacuje kao neprihvatljiva, jer je ponuđač dostavio dvije ponude što je u suprotnosti odredbi člana 57. stav (3) ZJN-a.

Pouka o pravnom lijeku

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obradivač:

Selma Bužimkić, dipl. pravnik

GRADONAČELNIK

Armin Halitović

Dostavljeno:

1. ALI&VIS“ d.o.o. Kreševo, putem e-maila „
2. DRVOREZ“ d.o.o. Hadžići, putem e-maila
3. „GOODWILL“ d.o.o. Hadžići, putem e-maila
4. „STEEL“ d.o.o. Zenica , putem e-maila
5. spis
6. a/a